


幸魚目盛典






		九二	漢書門
一	二	七	
冊	架	函	號類

庫文閣内		
九	九	漢
函	二	書
一	一	
架	冊	號類

内閣文庫	
番號	漢 9217
冊數	12(10)
函號	295 27

十





幸魯盛典卷三十一

聖駕幸魯釋奠

淺草文庫



先師禮成恭演連珠三十首

有序

翰林院編修臣張豫章

駕幸闕里親祀

孔子廟林典禮尊隆亘古未有在廷諸臣咸奮毫以

揚其盛事臣備員芸館駑鈍無能仰

聖德之高深溯斯文之統緒欣逢

盛烈擬紀靈符拜手稽首恭上演連珠三十首竊攄

見聞所及蚯蚓微鳴不足以掄揚萬一聊附盛典

之末簡云爾

臣聞瑤樞默握則應迹無窮金鏡朗澄則希光自化是以蒿宮緼瑟天地賴以清寧松棟垂裳堯舜由其籠跨

臣聞綵苞肉角四靈非苑外之禽紫脫頰莖三秀乃池邊之卉是以河清海晏不崇玳檢之封璧合珠連坐享器車之瑞

臣聞晷緯昭應歲乃叶於上元川嶽效貞史必推夫太乙是以虞編輯瑞躋泰岱以升中姬典宣風敞明堂而述職

臣聞襄野載塗鈎陳翼衛峒山考道風伯清塵是以榮光蔽天占

翠華之南幸喬雲沃日知

玉輦之東巡

臣聞斗玉徵符麟角纏夫繡紱星鉗吐耀楊炯文宣王廟碑文語即五老降庭之瑞也鳳歌應於素王是以

聖主承乾必舉太牢之祀昌期合牒言登闕里之堂

臣聞樂陳韶夏則珍羽來儀曲奏雲和則靈祇是享是以鐘鏞在列豈乏宮架之懸佾舞有衣更挈

辟雍之掌時攜太學樂舞生袍服至曲阜演習

三會盛典 卷三十一 二
臣聞帷宮曉設

法駕儼其乘龍帳殿宵張侯封潔其膳饋是以雲旂

泣止森象笏於靈苗

王勃碑云殷帝乙之靈苗

繡袞恭迎薦桓

圭於華轂

臣聞學歸有本故泉之進也必盈科道貴日強故

川之洩也無停注是以臨流興歎觸逝者之靈機

駐蹕怡情述水哉於

巨製

泉林寺卽子在川上處有

御製記

臣聞循舊典者不能創千秋之舉用師心者不能

屈

萬乘之尊是以樂備三終或間書於前史禮虔

九拜則迴軼於常倫

臣聞汪波浴月溯流必討其源喬木參天蟠根乃

蕃其葉惟闕里之嶽降翳防山之發祥是以大成

秘殿方瞻旒袞之垂啓聖靈祠卽致粢盛之潔

臣聞金華賜講班伯宣論語之微崇政說書程頤

闡庖犧之奧是以堂開詩禮俾苗裔以橫經席敞

金絲進章縫而論道

臣聞聖道緝熙樹法程於累葉儒門守禮傳典訓

於先人是以萃五氏之衣冠期祇承於無斃揭片
言於霄漢凜

勅諭之維勤

進講大學聖經
繫辭首章畢

命大學士諭孔氏子弟遵守
祖訓

臣聞丹素陸離光映文翁之壁羹牆恍惚文鑄李
珽之碑是以覲行教之儀容如親縹筆揭衣神之
帳幙儼拂緇帷

臣聞日月之光非卿雲不能黼黻乾坤之大惟天
漢可以昭回是以師表萬年共仰

銀鈞之燦燦榘題數仞永懸金榜之巍巍

臣聞金袂銀爐詎煥宮牆之彩緋羅香藥寧增寢

廟之輝

宋真宗祥符九年賜金
袂銀爐并香藥於廟中

是以撤華蓋之九

旂紫霧籠於夕殿耀中央之正色彤精貫於朝扉

上命特留曲柄黃
蓋於廟中

臣聞杏匝莊壇端木從游之地檜盤羲畫宣尼手

植之株是以柯拂紅雲晃翠綃而

駐輦膏流鐵樹籠綵仗以停輿

臣聞茫茫蝌蚪沒漢氏之丹碑翳翳莓苔蔽唐家
之綠字是以一經

睿賞則舊蹟重光屢奉

宸咨則流傳勿替

臣聞星輝東壁掌秘室之書林玉積西崑燦仙曹之冊府是以刪詩定禮彙複壁之遺經視典披圖閱奎文而考古

臣聞漆書竹簡開禮囿之荒塗石墨谿藤作藝林之鴻寶是以八紘頓網標籤帙以駢羅五位崇文啓縹緗而幽討

臣聞鯉述二經行咏歌揖讓之事鮒藏六籍奏絲簧琴瑟之音是以遺井汲流激清風於俯眺故居展席緬函丈以披襟

臣聞逐鹿開基茂覩摛文於漢帝傷麟致歎僅傳揆藻於唐宗是以

道冠昔王陳設兩楹之豆

德侔上聖鋪張數仞之牆

御製詩有兩楹陳俎豆數仞見宮牆之句

臣聞泗源蕩蕩環聖域以揚波奇木蒼蒼拱佳章而送翠是以

鑾輿展謁前驅奔走於百神

仙蹕遙臨俞騎喧闐於七萃

臣聞林瑩百尺常披異彩之花磴道千盤不長鈞

衣之草是以

九重肅拜天香襲於衮衣百職陪班瑞靄凝於繡襪

臣聞文楷千章聳危枝而偃蓋靈著萬本符大易

而占爻是以

御手摩挲則勁節垂於奕禩

宸遊徙倚斯祥煙貫於層霄

臣聞摘雒鈞河覲姬公於夢寐興禮立樂弘聖相

之經綸是以碑版勒文垂萬古不刊之製世官承

祀沛千秋未有之恩

命周公後裔東野

沛然為博士

臣聞緇流沐寵啜別派於蕭梁羽士邀榮誤他鑣

於元魏李義山詩他鑣並老莊是以洪緒拜重裘之賜爰思

道脈綿長繡圻捐一歲之租益表儒門沾被王勃碑云

宋微子之洪緒今以臨幸五氏子孫皆被

恩賜而行聖公有狐腋蟒黑貂掛之錫

臣聞青女霜寒不改貞柯之色絳帷風暖益垂寶

婺之芒是以

御墨淋漓表松筠之節操

宸章刻畫懸棹楫以輝煌

賜孔毓圻祖母陶氏坊額

臣聞柳下墳塋尚厲採樵之禁信陵墓域猶虔奉祀之司是以卒史百人被簪纓而汛掃佳城十頃

掩骸骼以恢基漢置百石卒史今奉

命復設百戶以

衛林廟

臣聞義峯插漢森象緯於奎章詞海盪雲迅波瀾於寶翰是以觀舞鳳蟠龍之

聖藻不復尊元帝之書讀敲金戛石之

睿文咸欲陋真宗之贊

臣聞岱宗特峻絜

聖德以斯卑離象允光分

帝圖之末照是以穹碑巨刻攜千古之大文景運元符

赫萬年之至教

聖容瞻睟穆羣哲儼趨蹌檜閱風霜古碑看歲月長
講筵陳易象

睿藻發天章盛典傳宗子高風激遠方杏壇迴霽色

芝蓋紀恩光路自城陰轉林開水曲旁平原崇馬鬣

密樹靜烏翔歎息精靈聚摩挲翰墨香楷亭承雨

露異木競芬芳輦路空傳宋名封亦陋唐方田廣

兆域伐石表堂皇事與橫汾別儀逾過魯詳作師

弘

教澤千載頌無疆

聖駕幸魯恭紀一百韻

翰林院庶吉士臣姚士勳

聖主垂裳日斯文丕振時傳心尊正學慕道重

先師早舉

臨雍典虔修釋奠儀羹牆原在望闕里更興思爲訪

尼山道言遵泗水湄彩雲迎

鳳輦晴日映

鸞旂簪笏千官肅貔貅萬馬馳封疆齊地近揖讓魯

風遺父老歡遮路壺漿酌滿卮爐烟飄繡陌瑞靄

接

彤墀登岱初

巡狩朝堂正會期山高通

帝座日出浴咸池嶽瀆由來重宮牆未易窺微言當絕
續大義賴維持不夜天常旦傳薪業弗隳春秋嚴
筆削教鐸息淫詖政教纔期月風聲訖四陲憲章
尊祖考氣運值桓僖博學名原大無瑕涅不淄猶
傳披玉瑞漫作獲麟悲至德皆天縱周流豈數奇
音徽常仰止車服每追惟奉引登堂陛鳴

鑾詣禴祠冠裳人濟濟舞蹈步遲遲典禮司宗伯簫
韶掌后夔篆烟凝翠羽文翯列金支時物胥周備

犧尊燦陸離馨香升俎豆對越格神祇澗芷金風
颯溪毛玉露滋釀成春在筍粳熟滑流匙蒼璧燔
柴告黃鐘按律知清和調古瑟疏越播朱絲堂上
笙鏞間階前戚羽麾泗濱浮磬石嶰谷截筠枝音
叶宮商奏歌陳雅頌詞聆音渾不倦觀禮總忘疲
絃誦文禽轉璫篴古柏吹駿奔昭志恪獸舞見情
怡

九拜將誠敬三呼迓福禧少牢前代事再獻昔時規
親祀傳天寶躬耕說下邳投戈臨太學定謚重宣
尼造士猶存制袞成亦允釐美談雖足紀尊禮豈

三會盛典 卷三十一 十一
加茲留蓋烟霞護懸幡寶絡垂似天同覆幬承露
荷

恩施更啓琅函秘還停

御帳帷詞臣環泮水聖裔擁臯比講學期明道橫經
在晰疑每教人辨論頻見

帝疇咨明德心常正修身國自治兩儀宗易繫一畫闡
庖犧香案

天顏喜花磚日影移禮門何竦直周道自逶迤游覽離
丹城裴徊俯碧池輝煌新廟貌金碧炫呆恩膠序
東西列橋門左右宜壇開安玉几檜老溜霜皮絲

竹堂高迥奎文閣嶮峻石虹盤宛轉藻井漾漣漪
氣象誠宏壯規模豈隘卑行行趨墓道望望指壇
壝馬鬣何年石龍文累代碑地尊關象緯水合導
淄維一脈標中極千盤表四維林無投宿鳥著自
守靈龜獨不生荆棘偏應產瑞芝居廬人想像植
楷影欽崎喬木多殊種長垣壓古碑是山皆拱向
無草不葳蕤坤德長鍾此奎光更屬誰爲看松鬱
鬱因念塚纍纍

賜地開阡陌平原達九達烝嘗近南畝黍稷遍東菑
頒惠蠲租賦

推恩給帑賞登山真小魯觀水歎如斯只欲標麟德
寧須惜鳳衰筆牀羅翡翠視匣展琉璃四字褒崇
盡重光宇宙彌題碑還作頌揮賦更成詩

睿藻昭雲漢鴻文勒鼎彝體追西漢古習陋六朝爲垂
誠言堪法敦倫俗未漓文章根至理性道本無岐
入室先由戶窺籓不礙籬詩書時晤對禮樂盡師
資信足風千古誰能贊一詞史官書簡冊扈從快
追隨喜起同堂盛明良庶績熙賡歌珠錯落卷帙
錦紛披紀載瞭如掌編摩列若眉體裁稱美備醇
正鮮微疵往哲型如在來茲學有裨縹緗看日麗

雲綵自天貽更欲增篇什行將壽棗梨小臣探秘
笈珥筆報恩私願學平生志從龍遇合奇史才慙
永叔文筆謝昌黎但覺揚休美渾忘匿影媮附名
應不朽此樂已無涯

天語連

宸翰絡繹雲章麗一時鄒魯間萬姓歡騰地豐碑摩蒼
淵穹龍虎紛環衛勒成不刊書盛典垂奕世

清宮重道年

揚鑾遵孔里輯瑞考虞編霜鎖期門戟颺輕岱嶽煙

泉林閒點筆防阜靜停鞭插漢開祠廟升堂飭几

筵告虔將玉豆展拜拂彤旃六樂莖池奏千官劍

珮聯

袞衣終裸獻鼓篋繫詞詮瞻仰遺容在摩挲法物傳杏

壇花自放檜樹影猶翩汲井清風激看碑古篆鐫

皇帝幸闕里詩

御藏翰宣林院庶吉士臣李本涵

聖駕寰海承流日

清宮重道年

揚鑾遵孔里輯瑞考虞編霜鎖期門戟颺輕岱嶽煙

泉林閒點筆防阜靜停鞭插漢開祠廟升堂飭几

筵告虔將玉豆展拜拂彤旃六樂莖池奏千官劍

珮聯

袞衣終裸獻鼓篋繫詞詮瞻仰遺容在摩挲法物傳杏

壇花自放檜樹影猶翩汲井清風激看碑古篆鐫

南宮餘墨蹟北海有琴絃鬱鬱佳城近紛紛葆吹
前天香雲共繞異植綺爭鮮駐蹕思前代居廬記
昔賢靈著符大衍文章被遐阡延佇斜陽轉從容

整

駕旋千秋經術貴五氏

主恩偏章服加身麗松筠勵操堅雲孫頌位宁繡壤啓

原田宋代儒門大姬公世胄延

聖謨綈儿述

睿藻綵毫宣玉海流千派銀潢瀉百川雲書森逸態日
榜儼高騫採石西山遠觀光東魯闕文章兼道藝

禮樂化垓埏迴映奎躔象須陳玉檢篇萬方同拜
手

景運正中天

大聖人抱道昌平鄉赫赫帝王師千祀炳秋陽崇儒
邁前古道統歸

今皇斯文旣在茲瞻拜依宮牆文物洽闕宮氤氳松檜
香車服三代製萬舞何洋洋斑駁鼎彝姿麾幡魚
龍翔於穆挹聖衷猗那聞樂章彷彿奏鈞天登降
肅以莊階下舊杏壇歸然存休光

其三

古檜若怒虬蒼鱗鬱蹇我千載無榮枯風雲恣蕩
磨廟中遺舊琴恍聽猗蘭歌反魯樂始正剛述亦
已多五十學易年白首猶婆娑破壁絲竹音秦火

將奈何漢祖祀太牢唐帝還經過隻絕惟我

皇建極在中和

其四

古廟旣釋奠遺寢亦肅拜步自洙水橋回流何澎
湃窈窕萬木聲青葱儼如畫烏雀不敢巢蒼龍時
一掛石壇四十九琳琅倒金薤當年駐蹕亭御氣
發光怪枯楷長孫枝隧道惟所屆仰瞻厪

皇情恪恭實匪懈尊師

賜田宅瑩兆拓昔隘從茲億萬年風雨護靈界

絲竹堂侍臣親盛事稽首共賡颺

Blank columns for text on the right page.

聖駕幸闕里賦

翰林院庶吉士臣彭始搏

自羲聖之開天判兩間之一畫歷墳典而三五皆
帝王之盛蹟揭精一之微言文命敷而勿易闡降
衷以發祥垂敬義於玉冊序道統以源流實御世
之專責彼伊萊與望散不過分股肱而羽翼乃尼
山之拔萃詩書而襄命討之職昔者五老來降玉
書吐庭弘敷四教廣宣六經聲傳木鐸萬古寐醒
漢唐載嗣尋流昧源雖晝而晦如雲朝屯有宋諸
儒爰啓厥門濂洛關閩斗布星繁如有所待以開

化元猗歟盛哉我

皇上之首出也續二千餘年將墜之斯文追舜禹湯文
以還之正統接尼防之道脈洵

亶聰而天縱迨乎氛埃掃滌宇宙載新八表遐暢海極
無塵歌載纘於武功乃壹志於修文日煥彩於中
天道既冬而復春探一貫之秘旨悟性道之奧真
懷杏壇之講席思矍相之比鄰彼貞觀與建隆徒
釋奠而駿奔集橋門而聽講僅崇儒之空文望高
山而仰止爰

命駕以東巡於是黃道輝凝

紫宸日擁列缺前驅羣星載拱河嶽來從百靈望寵
爾乃羣龍夾轂三公扈從引領乎東蒙之里接足
乎鳧嶧之峯於是汶濟既涉奎文在望羹牆載見
遵彼周行肅儀範以瞻前歡鼓舞其無方觀車服
與禮器乃入室而升堂日下拜於禮門俾俎豆以
生光爰抒彩筆乃煥雲章

天語高題

御墨飛香樹之貞玉以壽無疆觀烟霞之舒卷若鸞鳳
之騫翔標玉書於泰岱掛五雲於高岡實千秋之
僅事與日月而輝長宜聖神之潛格喜吾道之再

昌默

聖學以授受歸大統於
今皇於烈哉於烈哉蓋聞天之生聖人也既與以聖人
之德必加以聖人之瑞惟聖人爲

天子之質即

天子爲聖人之位自唐虞而夏商至中周而幾墜惟

尼父之挺生超羣聖而出類久懷情於三代望

今皇而樂致斯治統與道統合而爲奕禩之昇平萃

君師於一身集洙泗之大成聖以遇

聖固已超三古而接其統系道以傳道蓋將與天地而

同其貞恒

聖駕幸魯記
景運寶曆頌無疆

御製

聖駕幸魯記

御製

御製

御製

御製

御製

聖駕幸魯記

聖駕幸魯記

翰林院庶吉士臣葉淳

皇帝御極之二十有三年從臣工請始行東

巡狩用察民疾苦勤施補助

鑾輿經過地方應行典禮無不修舉九月二十四日

發自京師既登泰山還自江南十一月十八日乙

卯遂

幸闕里謁

先師修祀事先是羣臣議禮謂陳設儀仗迎神送神

用兩跪六叩禮讀祝文畢行三叩禮

皇上以

先師道冠古今所以尊禮之者猶有未至遂

特行九叩禮夫重道尊師王政之本也記曰三王四代

惟其師矧

先師集千聖心傳會百王大法其道誠莫之與京累

代崇事之文亦不可爲不備然要未聞有行是曠

典者

皇上天縱聰明聖神文武超邁前代獨創非常而行千

載所未行之典宜矣嘗考漢高至魯不過以太牢

祀孔子而儀制不載北魏孝文唐高宗明皇後周

太祖皆行親祀亦未傳有儀制惟宋真宗謁廟始

用再拜行酌獻禮詣孔林降輿乘馬然以視今日

典禮果孰優而孰訕耶唐明皇過魯詩止於嘆鳳

泣麟以視今日

御製闡揚道法炳若日星以心印心以道證道使萬世

永遵而不可易其爲精粗得失又不待智者始辨

之也先是禮部議

巡幸所至凡致祭祝詞翰林官擬撰獨祀

先師及元聖周公文出自

皇上親裁又

聖製孔子廟記

遣官勒石典禮益隆昔先臣方藹久侍

講筵蒙

恩至深今臣又備員史臣之末臣弟湜又忝與纂修欣

覩

皇上道法兼統所行典禮足以昭示萬世作則無窮用
敢忘其固陋拜手而為之記

幸魯盛典卷三十一終

幸魯盛典卷三十二

大駕幸魯頌有序

翰林院庶吉士臣潘宗洛

皇帝御極之二十有三年仁育義正治功大定丕乃倣

巡狩之制下補助之令涉江淮咨民瘼

廻鑾東魯登

孔子廟堂而釋奠焉維時

聖心默與道俱神與德合吐辭為經樹之以碑臣伏見

自古帝王亦有駕幸闕里者矣然或有事而禮不

備備其禮矣而德不洽是以文辭之載道者希傳

曰苟不固聰明聖知達天德者其孰能知之蓋自孔子以來至於今二千餘歲聖人之道雖與日月同光而身體力行若揆符契總作述荷君師則素王之志實有待於我

皇上而後光也臣愚不足以窺測萬一據所見聞質諸往古自有載籍曷以加茲謹再拜稽首而獻頌曰
巍巍我

皇與天地京心全太極道貫六經學以中庸治以論語
春王孝思夙夜永譽岱宗高止我
皇仰止哲人遐止我

皇享止秩秩几筵肅肅豆籩穆穆禮容雝雝樂縣入於宮牆作配祖述大哉

皇言維心之一列聖大成
孔子集之天下孰宗我

皇則之庖犧演易
孔子繫之木鐸旣振我

皇繼之巍巍我
皇千聖是式繼往開來傳於萬億

聖駕幸魯恭頌
 翰 林 院 庶 吉 士 臣 林 文 英
 六龍廻岱嶽
 夫子道彌新出處偕天德
 君師兩聖人碑留宮闕壯文重鼎彝珍古檜摩挲處雲
 飛泗水濱
 其二
 行宮開講幄古訓揭天中載錫雲來典追酬祖述功
 摛文揚亞聖錄後訪姬公史冊垂新紀千秋仰止
 同

聖駕幸魯恭頌
 翰 林 院 庶 吉 士 臣 林 文 英
 六龍廻岱嶽
 夫子道彌新出處偕天德
 君師兩聖人碑留宮闕壯文重鼎彝珍古檜摩挲處雲
 飛泗水濱
 其二
 行宮開講幄古訓揭天中載錫雲來典追酬祖述功
 摛文揚亞聖錄後訪姬公史冊垂新紀千秋仰止
 同

鑾駕沿沂憩石泉坎流思至化震出見微權竝孔思
 元聖居鄒憶大賢深情新廟貌祇敬潔牲牲歌溢
 康衢美
 恩將世澤綿闡經學不異稽古政無偏盛典儒臣筆文
 明頌萬年

聖駕幸闕里賦 有序

翰林院庶吉士臣 高人龍

歲甲子冬

皇上御極之二十有三年海寓乂安

國家無事於是稽古巡狩之制省方江淮言邁東魯

登岱宗憩泉林

躬詣闕里行釋奠禮設講幄

命儒生進講經書旋

幸孔林循覽歷代碑文撫摩古檜汲遺井而飲之爰灑

宸翰題額曰萬世師表撰碑贊記賦暨詩洋洋乎雲漢

之天章典謨之

聖製也臣幸際昌時獲覩

盛典敬拜手稽首而獻賦曰

闕逢之歲曆紀上元日方躔乎星紀葭初動而網
縕仁風遐扇於八表惠澤旁溢乎無垠

天子建九旂駕金根鳴八鸞以爲節御六龍而高騫遵
大河之曲涉楊子之津觀風問俗歷覽周原湛恩
汪濊沾被黎元於斯時也回

鑿返蹕陟彼岱宗却金泥之冊謝玉檢之封正七十
二代之譌舛闢百千萬禩之心胸指疋練於吳門

升日觀之高峯緬哲人兮云邈企大道而攸崇爰
顧近臣而詔曰予聞曲阜之墟篤生宣聖百王所師千
秋是鏡刪述六經彝倫以正今也洙泗匪遙宮牆
接境

朕將修釋奠之禮展如在之敬於以仰止而景行庶幾
祈天而永命羣臣稽首咸曰休哉迺戒騶御敕左
纛擁翠旂以後馳紛羽葆以前導陪尾鬱兮蒼蒼
泉林滙兮浩浩泆者爲瀾突者爲鈞歎者如珠舞
者如翻或渟如明鏡之初開或激如銀潢之乍倒
塵壒爲之畢澄日月爲之廻照可以臨流而濯纓

可以倚石而垂釣

天子徘徊移晷默契道妙感逝者之如斯悟化機於大造既而

黃屋徐邁青嶂遙連芳草匝地栝柏參天戟門竦翼輦路如弦碧瓦雕甍松桷蘭椽闕宮血若清風灑然則闕里之廟貌不改而

先聖之几筵在焉

天子降輦而入宿於齋宮越翌日昧爽有司各庀其事咸霧集而雲從濟濟踴踴告潔告充苾苾芬芬籩豆是供儼神明之來格信胥蠻之感通于焉擊靈

鼉之鼓考萬石之鐘奏六代之樂象大成之功金聲玉振祝敵笙鏞工歌間奏抗墜從容三獻既畢八佾方終於是升

講幄召儒生執經而前辯晰研精諸王肅謐百官屏營下迨期門羽林之士莫不識大義而聆天聲較諸園橋之觀聽亦復更僕而難名既而

命聖裔展載籍詢遺址稽往蹟尋詩禮之過庭訪金絲之餘壁載登


玉輅祇詣孔林螭表高峙楷蔭環青蒼莖披拂馬鬣

天子俯而九拜起而巡行汲古井之清冽撫蒼檜之葱菁式觀歷代之碑靡弗蜚英而茂實彪質而炳文然未若今

天子之範百代而鑄千君也若夫泉林有記師表有額為碑為贊心源如一旁及詩賦光摩日月束虹蜺以為毫瀋雲漢以為墨儷義圖匹禹刻鄙漢帝之章草陋唐宗之飛白焜煌仁義斧藻道德昭示來茲永永無極雖使益契陳謨游夏珥筆猶不能彷彿其萬一焉至於留曲蓋於廟庭

頌榮賚於上公爰及四氏之徒姬公之裔莫不復其田賦錫以褒封弘施鉅典尤非近古之所得而比隆也維時東日所出西日所入道一風同中和鬯洽

君師之任兼治道之統合蓋聖人之道惟夫子集其成夫子之道惟我皇會其精是故以饗而以祀不啻見牆而見羹識後先之同揆覩禮樂之既興敬擗毫而誌盛颺景爍於千齡



龍輅駐杏壇園橋歡耄耄濟濟趨千官洋洋舞八佾
 肅拜親几筵羹牆殆髣髴斯文信在茲日月中天
 揭訪道問崆峒祠真崇太乙何如東魯尊陋彼老
 與佛卓哉
 聖皇軌巍巍洵超越

大駕幸魯恭紀

翰林院庶吉士臣陳綽

帝治高千古儒風洽萬方泰山迎望峻泗水引源長瞻
 拜當年舊袞崇此日光玉書徵覆護檜幹尚焜煌
 師表

璇題迴羹牆

御墨香道從一貫得聖以大成彰

駐輦盱綿邈

凝旒溯混茫

恩覃車服禮澤浹笏絃堂松牖春常在梅梁日載陽殊

榮餘桂奠至敬溢椒漿肅肅

廻鑾早依依降軾常穹碑天上錫翠琰濟南航盛事

真無兩鴻猷洵莫量操觚胥踴躍載筆願趨踰

特簡儒林秀言從聖裔行編摩羅寶冊故實檢珠囊縉

禮裁今制繁文舉大綱頌聲騰禹甸文思煥堯章

幸被詩書澤叨霑俎豆芳斯文如有待

景運正無疆

直

南書房觀

御製

御書闕里碑文恭紀四首 有序

翰 林 院 編 修 臣 查 昇

竊惟昌期既邁禮重尊經景運斯開慶流鼓篋日

者八絃寧謐六幕綏安西鷄東鰈偃兵氣於銷鋒

黑壤朱垠扇儒風於道鐸詩書之澤蒸於穹壤禮

樂之盛軼於古初

皇上湯敬日躋堯仁廣被天開羲畫象離照之當空春

入虞絃比吳風之拂地三辰協極四序咸和乃復
目泝羹牆心遊聖域

九重旰食功懋緝熙三殿勤思學傳精一往者

六飛南涖七萃東巡降畢早於朱楹薦牲牢于黼幄璇

題珠榜炳曜奎光繡角文欄繽紛龍采麟書再煥

鳳德重輝

命彼詞臣紀茲盛事共橐荷囊之筆爰成石室之書乃

猶

睿慮親營

天章手搆金聲玉振煌煌典訓之音日燦星暉噩噩盤

孟之則麗侔雲漢珍竝球圖若其八體精嚴雙鈞
森灑輕如垂露識義獻之非工勁比折釵笑芝繇
之未善鐫之寶篆泐在豐碑洵聖里之寵光實儒
林之曠典然而

宸懷天覆大而益虛

聖德川流積而彌讓摩厓有待庋閣經時茲焉出珠玉
于簡編於以詢芻蕘于工瞽臣得從供奉之末陪
直

禁廷獲於瞻仰之餘預窺

聖製歡同近日祇切葵傾喜極望洋難勝蠡測自知蕪

陋竊效賡揚輕塵滴水固無當於高深雀躍蟲吟
止自抒其鼓舞云爾

秘殿花陰轉綠苔身隨冠珮到蓬萊巍峩鳳閣星
辰近烜赫龍函日月開義舉六經歸典則文成五
色象昭回珠林玉冊光千古天上親曾一觀來

其二

奎章寶墨灑宮牆制作昭垂邁百王一代儒林增潤色
兩楹俎豆有輝光鸞廻

御帖晴雲濕螭護豐碑翠蘚香漢蹕唐封安足竝
聖朝文治繼軒皇

其三

宮簾長日午風清細帙紛披雪繭明楮上虬蟠方
詰曲行間鳳舞必縱橫銀鈎鐵畫神常健抉石奔
泉勢自成想見

御屏宵旰暇麟毫灑落瑞煙生

其四

列宿中天拱帝車

翠華曾幸素王居懸題已賜龍鸞額伐石重鐫琬琰書
聖學孳孳扶道統儒風習習返皇初微臣幸際休明日
拜捧

僖有勅則於歲修常典之外別爲崇峻廣厲之文者也總而論夫儒宮之廢興規模之建立則一厄於金之貞祐而鼎新於元之大德再災於弘治之已未而落成於弘治之甲子迄今二百年以後追想二千年以前歷考先代御府之文遐稽遺告穹碑之記如政和所頒門戟二十有四明昌所拓鬻舍四百餘楹靡不增高岱嶽助廣泗流然而丹楹碧瓦之輝煌蟠螭蛟龍之鏤錯歲月已遙能無頽圯固有待於崇儒重道之聖人爲之增華飾美者也昨者我

皇上停輿魯地親祀禮成徘徊燕寢之間俯仰廊廡之

下周巡徧覽從容永日而

御書萬世師表之錫曲柄

御蓋之賜自立廟以來所未曾有乃者

回鑾以後儼尼山之在望睠堂宇之宜嚴

特發帑金大加脩葺務使棟梁重峙丹雘維新千秋道

術尤表於今時萬載儒風獨隆於此日豈直青衿

素領之士鼓篋如歸褒衣博帶之儒橫經有地而

已哉昔者魯頌所載新廟有作則其臣史克有泮

水闕宮之詩以揚其休美今我

皇上廣揚文教弘啓儒宮如此其盛莫之能京允宜從
史克之後作爲歌詩仰宣

聖化不敢以初厠詞館文詞陋淺爲辭乃拜手稽首而

獻頌曰

奕奕新廟尼山所宅

天子有命增華於昔經之營之孔曼且碩是斷是度

允松柏惟此松柏其高參天杏壇之側泗水之邊

瞻言廟貌靈祠巋然其庭殖殖其楹閑閑

鑾輿至止大小咸喜勞我

聖皇親舉玉趾宮寢廊廡周覽環視赫赫巖巖

天顏在咫尺

帝眷聖道尊崇無外褒以

雲章錫以

御蓋廣運精思以賦古檜凡厥後裔沾恩汪濊惟

帝有念念茲儒宮歲時脩葺歷代或崇鼎新革故則待

鳩工其塗丹雘以契予衷乃命司天撰辰擇吉乃

命司空度材營室出自

內府朱提萬鎰刻桷雕甍其成不日廟事旣舉來觀來

齋樞衣屏息歷級升階士無怠氣人無惰懷肅肅

雍雍以莫不諧惟我

孔子萬世之綱惟我

天子萬方之王闡揚

聖教其道大昌作茲新廟巍巍煌煌闕里之澤天下

之光

[Faint bleed-through text from the reverse side of the page]

恭紀

特發帑金重脩闕里廟落成二十韻

翰林院編修_臣黃叔琳

惟

聖能尊聖君師道竝崇鴻鈞一氣轉繼曜萬方同繡紱

神靈迴尼山俎豆隆大哉推奕禩高矣眺靡窮條

貫兼飛簷精微契合宮

翠華巡魯甸玉帛走震中歷陛瞻遺像優儀至鞠躬

御筵咨大義承旨震羣蒙植檜霑仁澤仞牆協道風撫

楹思負彩發帑命鳩工斷斷徂徠近輓輸洙泗通

架梁虬偃仰叠祀玉玲瓏采翳藏雲白翬飛駐旭
紅神功真廣大士類感忻懽

睿翰騰騫古穹碑負聳雄文輝辰極北德峻岱峯東作

頌羅時髦書思觀上公

天顏知有喜地職已能終肅慎常供矢扶桑永掛弓聲

名訖無外遐邇盡呼嵩

翰林

林

幸魯盛典詩十二韻

翰林

院

編

修

臣

覺羅逢泰

昭代文明啓

熙朝道統彰尼山通寤寐闕里待冠裳卜日

鑾輿出乘風雉尾翔一誠陳俎豆九拜薦馨香

睿藻雲霞麗

宸章日月光豐碑看燦爛曲柄覩輝煌至德隆師表彝

倫奉典常靈著占地寶古檜紀年芳攬勝勞

清問程材集講堂恢恢儒業重奕奕

帝勲長心法承河洛明禋邁漢唐金甌知鞏固咸仰

碑流玉石聲宮牆瞻美煥草木被餘榮史冊真希
覲臣僚竝效賡感

恩非一姓率土荷

皇情

幸魯盛典卷三十二終

幸魯盛典卷三十三

纂修

幸魯盛典詩 并序

翰林院編修 文岱

臣聞崇儒重道迺治世之弘規釋奠臨雍為帝王
之盛業溯自羲軒而下洎乎書誥以還心傳如一
俟後聖而不疑斯文在茲推孔子為尤盛廟崇曲
阜恒慨思夫玉振金聲禮用太牢爰致祭於尼山
泗水漢室之特典猶存宋代之親臨足紀自古而
然於今為烈欽惟我

皇上御曆之二十有三年東巡幸魯也議禮至隆敷文益遠

輦駐奎文之閣見若羹牆步登闕里之堂肅茲拜獻
既仰瞻乎至聖復旁及於四賢發道德之幽光不
惟犧象雲雷之末闡性天之奇奧亦觀禮器車服
之陳畫棟雕甍光同雲日唐鐫漢篆勢若蛟螭於
焉一時寄覽四字加褒翰墨流芬何異銀鈎鐵畫
錦箋耀彩恍如綠字赤文自一世及萬世傳之勿
替以身表作師表沿及無疆棖桷騰輝還留翠蓋
簷楹揆藻兼歷講堂覽懷英之篆往蹟可稽閱杏

壇之碑石刻宛在千尋古檜賦成雲漢之華丈六
靈著式表孔陵之異固世守之得以常綿而輸將
之可以勿事者也更若昌平勝地孔里故居患堂
庶之摧頽出儲胥而丹雘竹苞松茂規模備美於
當年鳥革翬飛氣象增榮於昔日或持絳節以飄
颻盡玉葉金枝之秀或捧丹書而璀璨皆左輔右
弼之賢廟貌日新文明大啓推恩廣矣錄其苗裔
遞及周程張朱立制昭然表乃前賢奚獨顏曾思
孟是以纂茲盛典肇自乙丑之年告厥成書迄於
辛巳之歲彙爲卷帙揚此

聖謨昭日星河嶽於行間前賢堯後賢舜不啻與二帝
爲三振金石鐘鏞於宇裏禮知政樂知德自可等
百王而上臣颺贊莫由舞蹈靡已敬成十律用賡
九歌

其一

聖主修時邁鴻儀定秩宗道尊孔氏學典茂漢皇風翠
蓋臨洙水嵩呼震魯宮斯文千載賁曉色正瞳矐

其二

步自奎文閣言登闕里堂犖行儀肅肅文告頌洋
洋踰濟皆鷓鷥笙歌繞鳳凰一時恩意普前後仰

龍光

其三

詩禮堂貽久當陽御講筵修齊揚祖訓象象闡義
傳瑞映龍文麗祥分鳳藻妍大寮欣侍從

天語更煌然

其四

舊得傳真像今還籠碧紗式瞻道貌古深憶講壇
華紫氣臨朝旭文光燦晚霞

至尊親拂拭奕禩重褒嘉

其五

往蹟知咸在因觀犧象餘神傳道子畫贊出米顛
書

御覽崇朝徧

皇情此日舒表揚四字後揆藻滿庭除

其六

黃蓋方崇廟佳城復薦卮榮分廬外楷靈動墓前

著至道古不泯斯文今在茲弘膏綿世澤隨處沐

恩施

其七

廟貌雖崇煥簷楹賴鼎新采山親

御蹕分帑出

楓宸日耀丹黃色雲開殿廡春几筵瞻拜處長此重明

禮

其八

神功開朔漠啣

命紀豐碑耀武包戈甲崇儒尚鼓吹雙鈎金管出聯搨

赤文貽檜影遙分彩光同日月垂

其九

德意何周溥

絲綸次第開魯鄒崇廟祀濂洛廣滋培寶翰榮三錫鴻

文重八垓承

恩巍闕下元首咏康哉

其十

盛事欣初遇還憑歌敘留一編昭史冊萬載炳

皇猷拜舞欽堯典文明啓禹疇頌颺靡有罄天地與同

流

其八

賦

...

...

幸魯盛典恭紀

翰林

院

檢

討

臣

年羹堯

鑾輿臨魯甸

仙仗擁宮牆入室威儀肅升堂廣樂張尊羹觀法象

俎豆薦馨香

曠典留芝蓋尊崇邁百王

其二

杏壇隆秩祀林寢駐旌旗麗日封塋曜祥雲秘殿

垂山川環拱衛草木颺葳蕤

寵錫優苗裔續紛錦繡披

其三

絲綸頻下賁廟貌鼎重新朱檻琅玕筍雕梁玳瑁鱗
周阿延日月飛閣蠹星辰交映軒亭敞穹窿頌美
輪

其四

賜額榮光燭豐碑篆籀鐫

龍章詞煥爛

鳳藻墨華鮮玉振金聲叶銀鈎鐵畫懸文昌成五色

景運仰中天

幸魯盛典十六韻

翰林院檢討_臣阿爾賽

廣運同文治昭回至德敷時亨

皇極建道在素王扶岱嶽尊河洛尼山滙泗洙

九重頌典冊百世仰師儒鄒魯沿三代絃歌被一隅

翠華勤拜訪闕里煥規模詩禮觀瞻肅金絲氣象都講

經隆聖學讀易應乾符入室臯夔相升堂游夏徒

天章飛玉屑

御墨散金鋪博士褒嘉數文宣禮遇殊

詔留芝蓋出

恩與杏壇俱拓地加增壙蠲糧等復租靈著堪揲卦古

楷亦成圖紀頌紛珠玉賡颺協典謨大成如可作

一德

主臣孚

[Faint bleed-through text from the reverse side of the page]

恭紀

聖駕幸魯盛典四律

翰林院庶吉士臣高其偉

隆儀肇舉出承明闕里欣看

綵仗迎奎壁星高環

翠輦松楸路迴駐霓旌風和宛宛華鐘動日麗遙遙玉

磬鳴

師表萬年殷薦盛頌揚莫罄魯諸生

其二

犧象雲雷列上台翠微深處講筵開祥煙散彩盤

旋護

鹵簿飄香拜獻來碑峙千尋文燦爛牆推萬仞日昭
回龍翔鳳翥璇題永先後同欽

大聖才

其三

萬國昇平樂凱旋歌功

聖廟湛恩偏琅函特竝兼金賜文綺還同華袞傳電

鉞親揮欽

武德園橋沛澤仰

堯天杏壇式薦馨香日繡繖留輝耀豆籩

其四

帝子遙臨精意通函香肅穆鳳城東神馳泗水音容
近道奉尼山禮秩崇恍聽金絲傳古壁頻瞻俎豆
敬齋宮心源會得羣賢接恩遇忻沾此日同

三會盛典 卷三十三 九
睿製叶笙簧已覺雲霞麗還流翰墨香

金書丹碧煥

綠字鳳鸞翔

天語從容問臣詞仔細詳推恩皆子姓陪列盡冠裳優

厚原田賜綿延帶礪長

龍顏瞻有喜

聖澤溥無疆懽悅盈陬隘聲名遍校庠崇儒推

哲后典學茂前王棧樸人文盛詩書士氣揚所欣逢景

運六合慶時康

幸魯盛典告成恭紀二十韻

翰林院庶吉士臣伊太

東幸恩膏溥西清紀載詳禮因

天子議道賴

聖人昌居仰尼山近源承泗水長文明開魯國儒術得

周行

翠輦乘時動朱旗映日颺

廻翔瞻入室

誠恪儼循牆牲幣陳重席蘋蘩薦

御香爵隆三獻禮樂奏九成章器用頒

天府工歌叶太常百司陪俎豆四氏効趨蹌鉅典何

魏煥高文更喬皇

龍章垂碧落

鳳藻麗穹蒼葺宇

絲綸重題碑翰墨光喬林看檜楫古壁聽笙簧講藝微

言晰推

恩異數彰貂裘蒙

寵賚

羽葆靚輝煌

駐蹕留餘眷編蒲志不忘石渠勤筆札金匱永珍藏

頌祝盈閭里都俞在

廟堂中天文運盛泰岱共無疆

御藻勒銀鈎後殿

龍車轉前林

鳳羽遊異著仙露入神草瑞雲收手檜天題咏香泉

味冥搜蠲租眉耆渥頒爵耳孫周博士添經術旗

門護檟楸貂裘頻賜賚黃蓋命藏留北闕廻輿日

西山匠石鏤穹碑標曲阜大冊煥神州

特遣虞衡使還將棟宇修朱提

頌內府丹栢煥雲樓重道書無匹尊師史莫儔江山

宣禮樂河嶽仰懷柔恭頌

神堯德長同泗水流

幸魯恭紀十二韻

翰林院庶吉士臣董泰

春滿尼山路

天臨曲阜城愛民勤省問重道啓文明泰岱祥雲遶東

蒙瑞靄迎古書求象繫大樂訪咸英珪璧傳先蹟

宮牆愜

聖情緇帷來

鳳蓋

翠輦駐鸞聲曲有潛魚聽圖因寶馬呈杏壇增氣象

泗水毓華菁

玉榜垂三殿

金題壯兩楹大臣監匠石

帝子上棗盛至治隆師範

綸言闡道精小臣恭紀載稽古樂光榮

[Faint bleed-through text from the reverse side of the page]

幸魯盛典恭紀二十四韻

翰林院庶吉士臣王士禛

天閭開鼎命岱嶽拱

乾陽峻德彰魏煥崇文著喬焯薪傳抽錦秘斗極燦

龍章道統苞前喆心源印素王

禁扃凝眷眷鑾輅動鏘鏘

蹕駐東山迴恩流泗水長烏迎仙仗轉草傍翠華香

特典明禋懋

皇儀秩祀莊雷尊親泣鬯雲幣覲升堂裊裊縈香篆輝

輝麗燭光笙鏞盈碧宇

綸綽肆圭璋爰啓琉璃匣平移玳瑁牀一言昭闡釋四字罄揄揚璀璨璇題耀飛騰奎壁翔土田恢嗣續散秩益冠裳曲蓋先師軾

宸書壽母坊蠲租敷浩蕩

賜帑湛汪洋魯道閎新碣周行暨遠疆元公推錫後子姓復揚芳典禮超前漢規模陋盛唐史臣難贊頌文治樂賡颺怯劓賈生壘恭循考父牆瞻霄忻異天闕數依日愛非常幸際休明代傾葵奉

聖皇

翰林院庶吉士臣才住

幸魯恭紀二十四韻

翰林院庶吉士臣才住

閭闔垂衣日寰區擊壤時東巡依舜典時邁咏周詩

鸞輅乘春發霓旌拂曙馳岱宗瞻峻極魯殿訪陳基爰

幸宣尼宅先臨闕里祠省牲新薦享釋奠舊威儀玉帛陳庭實笙竿奏樂詞祥熏飄柱栱明燎映杲恩興俯將

宸敬尊崇仰帝師心源誠默契道統繼聞知

鴻筆題銀榜龍光照玉墀片辭該已盡萬世語非私
挺幹孤生檜叢莖瑞應著上公膺

寵錫舉族被榮施賜酺歡心洽蠲租惠澤隨金錢中
禁出文綺尚方貽

召對諸生俊恩加好爵縻廟堂留曲蓋壽母表華棖
已荷

皇慈極重看

睿藻披千言揮韻賦五字麗穹碑重道能如此斯文儼
在茲史官詳紀載簡冊待昭垂愧少班張筆難將
雅頌爲右文成

聖治何幸遇昌期

功蓋因孔以及周如遡源而竟委自昔未有曠代
罕行乃因殿宇之漸歆復動

宸衷之眷顧

命官庀治

發帑鳩工歲逾一周功方告竣循牆拾級磷磷鴈齒
之階丹雘墜茨燦燦魚鱗之瓦典型非遠廟貌聿
新式昭景仰之規再

製重修之碣幸依禁近臣得預觀乃選石於藍田遂鐫

文於闕里摹勒告竣搨本進

呈拜手載觀珍踰綠字爰入

內府之帖同編

秘笈之藏筆陣雲橫難擬釵痕於鋒穎墨池波濺細
求戈法於毫端久垂畫一之模永示正心之法昔

漢家誼辟妙有歌詩唐代英君神推飛白未有

文因重道

義起崇儒宣義蘊於性天寄楷模於翰墨璣衡在手
變化入神臣奉職省垣兼較金石欣逢

盛典敢後揄揚坐井觀天以蠡測海豈陳梗槩曷罄
形容

聖學淵源契大成尚勤仰止溯先正花迎

鑾輅臨東甸風遞絃歌入魯城三殿禮陳蠲俎豆五
雲章煥散瑤瓊

天書親捧登金石蚤負何當被寵榮

其二

殿宇穹窿倚日開宸遊瞻仰幾徘徊冬官新遣鳩工去

帝子親啣

鳳詔來再煥

絲綸驚異數兩經較閱媿非才豐碑交映垂謨諾萬世
鈞陶入化裁

聖駕幸曲阜釋奠

先師恭頌

戶科給事中 趙吉士

沙界平成天地功布衣參贊帝王同賢賢函丈神

猶宅

聖聖傳心

輦向東典舉千秋儀鄭重林開五色氣葱蘢几筵應
見臨章甫禮數從容沐化風

其二

冬仲東


巡綵仗雄欣傳

駕幸聖人宮泰山不改巖巖象

王者猶瞻皞皞風設凡

山龍增肅穆升堂絲竹侑豐融牲牢自古多殷薦羽

蓋尤標禮數崇



幸魯盛典卷三十三終

